

欽定大清會典事例

欽定大清會典事例卷三十二

吏部

官制

各省鹽政等官  
土官世職

舊設各省官

各省

各省鹽政等官○直隸兩江閩浙陝甘四川兩  
廣總督兼鹽政各一人山西雲南巡撫兼鹽政  
各一人長蘆山東兩淮兩浙廣東都轉鹽運使  
司鹽運使各一人山西河南江南江西湖北湖  
南福建陝西四川廣西雲南鹽道各一人甘肅  
二人長蘆山東廣東分司運同各一人兩浙分  
司運副一人山西河東監掣同知一人兩淮淮

南淮北監掣同知各一人。雲南石膏井黑鹽井  
白鹽井提舉各一人。直隸薊永分司運判一人。  
兩淮海州分司通州分司泰州分司運判各一  
人。兩浙嘉松分司運判一人。直隸越支場嚴鎮  
場盧臺場豐財場石碑場歸化場濟民場海豐  
場鹽課司大使各一人。山東王家岡場永阜場  
永利場富國場濤雒場石河場官臺場西縣場  
鹽課司大使各一人。山西東場西場中場鹽課  
司大使各一人。兩淮板浦場臨興場中正場金  
沙場呂四場餘東場餘西場掘港場豐利場石

港場角斜場拚茶場廟灣場劉莊場新興場伍  
佑場富安場安豐場梁埕場河埕場草堰場丁  
溪場東臺場鹽課司大使各一人福建福清場  
詔安場莆田場下里場漳州場福興場江陰西  
場潯美場石馬場惠安場漳浦南場前江圃場祥  
豐場運河場鹽課司大使各一人西河浦下驗  
掣大使各一人兩浙仁和場三江場錢清場曹  
娥場穿長場石堰場鳴鶴場清泉場大嵩場雙  
穗場長林場長亭場黃巖場下沙場下沙頭場  
杜瀆場西路場許村場海沙場鮑郎場盧滙場

橫浦場袁浦場永嘉場青村場浦東場龍頭場  
玉泉場黃灣場東江場金山場鹽課司大使崇  
明巡鹽大使各一人四川青隄渡場康家渡場  
牛華溪場雲陽場大甯縣鹽課司大使各一人  
廣東白石場博茂場大洲場招收場淡水場小  
靖場石橋場茂暉場隆井場東界場墩白場電  
茂場鹽課司大使各一人雲南黑鹽井白鹽井  
石膏井阿陋井按板井大井麗江井鹽課司大  
使各一人直隸小直沽長蘆鹽引批驗所大使  
各一人山東碓口蒲臺鹽引批驗所大使各一

人兩淮儀徵淮安鹽引批驗所大使各一人兩  
浙杭州紹興松江嘉興鹽引批驗所大使各一  
人廣東西匯關鹽引批驗所大使一人四川重  
慶府嘉定府經厯兼批驗所大使各一人遂甯  
縣縣丞兼批驗所大使一人長蘆山東兩淮兩  
浙廣東鹽運司庫大使各一人山西福建四川  
雲南鹽道庫大使各一人長蘆山東兩淮兩浙  
廣東鹽運司經厯各一人山西鹽道經厯一人  
兩淮廣東鹽知事各一人長蘆張家灣兩淮白  
塔河烏沙河山西鹽池長樂鹽巡檢各一人。

國初定。長蘆。河東。兩淮。兩浙。各差御史一人。巡視  
鹽課。長蘆。山東。河東。兩淮。兩浙。福建。兩廣。設都  
轉鹽運使司鹽運使各一人。其餘各省行銷地  
方鹽法。多由守巡道兼理。長蘆。山東。河東。兩淮。  
兩浙。兩廣。設運同各一人。副使各一人。兩淮。運  
判四人。長蘆。山東。河東。兩浙。運判各一人。廣東  
提舉司提舉一人。吏目一人。雲南提舉司提舉  
三人。吏目一人。經歷知事。並所屬各場鹽課司  
鹽引批驗所。庫倉大使。巡檢。皆因事設立。無定  
員。○順治三年。江南設驛傳鹽法道一人。○八

年題准巡鹽御史一年一次更差。○又甘肅設慶陽鹽課同知一人。○十年停止鹽差御史。以鹽務責成各運司管理。○十二年覆准各鹽務課多逋欠。運司權輕難以糾劾。仍擇廉能風烈御史巡視。○十三年江南裁下沙場鹽運副使一人。設松江府批驗所大使一人。○康熙五年廣東裁市舶提舉司提舉七人。吏目一人。歸併鹽課提舉司管理。○七年

諭吏部戶部都察院鹽課關係緊要。必得廉幹之員差遣。乃能嚴糾私販。惠恤商民。疏通引法。以裕國課。近



見課額未增。商民又鮮裨益之處。以後不必專差監察御史。應將廉幹之員。選擇兼差。兩部酌量定議以聞。○又議准。鹽差應差六部郎中。員外郎及監察御史。每處選擇賢能滿漢官各一人。○又題准。巡視鹽務。各帶滿漢文筆帖式一人隨往。○又定。河南驛鹽事務。歸併大梁道兼理。○八年議准。巡視鹽課。仍專差御史。停差六部官員。○十年。停鹽差御史巡歷地方。○又題准。巡鹽御史。向差滿漢各一人。並無分辦事務。嗣後止差一人。帶筆帖式前往。○十一年。停長蘆。河東。兩淮。兩

浙巡鹽御史差其鹽法事務。兩淮歸安徽巡撫。兩浙歸浙江巡撫。長蘆歸直隸巡撫。河東歸山西巡撫。山東運司歸山東巡撫管理。○十二年議准長蘆河東兩淮兩浙照舊專差御史一人巡視。○十六年裁各省鹽務分司運同並副使缺。○又議准習漢文滿洲御史及漢御史巡鹽不必帶筆帖式隨往。○十七年長蘆山東兩浙福建復設鹽運同各一人。兩浙設鹽運副使一人。○又長蘆裁鹽運判一人。歸併青州分司運同管理。○十八年移浙江仁和場鹽大使駐省。

城○二十四年。浙江裁溫台運副一人。改甯紹運副為甯紹溫台分司。○三十年。兩廣福建設巡鹽御史各一人。○三十二年。停兩廣巡鹽御史。改廣東驛鹽道為鹽運使司。裁提舉吏目各一人。改設運同一人。裁府吏目。改設鹽運司知事一人。改提舉司庫大使為運司庫大使。改提舉司批驗所大使為運司批驗所大使。其廣州府歸德等場。惠州府淡水等場。各設立分司等官。○三十八年。兩淮裁鹽運判。兩浙裁鹽知事各一人。○四十一年。江南裁松江鹽務分司一

人歸併嘉興分司兼理。裁下沙三場大使一人。歸併二場大使兼理。○四十三年。兩浙福建裁鹽運同各一人。○四十九年。改兩浙鹽運使司為鹽驛道。○五十五年。

諭長蘆鹽差。滿洲內無應開列之員。將漢軍人員一併開列。○五十七年。議准。廣東鹽務。仍差御史一人。會同巡撫督徵。○五十八年。山東裁膠萊分司。歸併濱樂分司兼理。○又河東設鹽運判一人。○五十九年。定。兩廣鹽政。交總督兼理。停鹽差御史。○雍正元年。議准。福建鹽課銀兩。均攤各場。

交該州縣照數收解。以鹽務交總督兼理。停巡鹽御史差。○又停各省鹽差御史隨帶筆帖式前往。○二年

諭。河東鹽務。交與川陝總督兼理。停差巡鹽御史。○又河東設鹽運同一人。裁鹽運判一人。兩廣設鹽運同。鹽運司經歷各一人。○又議准。陝西靖邊廳經管鹽場堡鹽務。其鹽場大使亦歸管轄。靖邊縣縣丞兼管執井鹽場二堡鹽務。稽查私販。○三年。復差河東巡鹽御史。○又雲南裁鹽課大使一人。改設驛鹽道衙門庫大使一人。○四

年

諭。兩浙鹽務。交與巡撫兼理。停差巡鹽御史。○又改福建鹽運司為驛鹽道。改山西太原府中路同知為甯武府鹽捕同知。駐紮偏關。○五年。四川設驛鹽道一人。○六年。定福建舊設辦理鹽務各官。既行裁汰。嗣後即於通省佐雜內遴選廉幹之員。管理鈐束。○七年。江南設南匯縣下沙二場。浙江設黃巖縣杜瀆場。永嘉縣永嘉場。場官各一人。江南裁金山衛浦東場。場官一人。○又廣東設廣州府東匯關批驗所大使一人。添設

饒平縣東界場陽江縣雙恩場大使各一人。裁  
新甯縣姓崗場大使一人。歸併海晏場大使管  
理。○又福建設驛鹽道衙門庫大使一人。○又  
雲南設普洱府猛烏整董二處鹽大使各一人。  
○又議准江南松屬鹽務歸併海防同知管理。  
○八年廣東設鹽運使司衙門知事一人。○又  
山東裁海倉場大使歸併西由場管理。復設官  
臺場大使一人。將壽光濰縣兼理之固隄場歸  
併官臺場管理。○十年雲南裁磨者井烏得井  
鹽大使各一人。添設白石谷井復隆井鹽大使

各一人。裁琅鹽井吏目。改設大使一人。○又改直隸天津府鹽捕通判。駐青州分司所屬之越支場。裁滄州分司所屬之利民。阜民。利國。富民。海盈。阜財。六場鹽大使各一人。其竈戶歸各該州縣管理。○十一年。兩廣設鹽運使司運判一人。駐合浦縣。○又淮南裁三江營地方所駐之鹽捕同知。改設鹽務巡道一人。督緝揚州通州各屬鹽。鹽城。阜甯。靖江等縣鹽務。淮所掣鹽重地。選委賢能府佐監掣。揚州府按鹽。揀選佐雜一員。會同揚州武弁協力盤查。淮南所屬奉壩。



淮北所屬場關大伊關永豐關烏沙河泗州關  
天長關俱係私梟出沒隘口。於通省佐雜內揀  
員管理。淮南各員歸新設道員管轄。淮北各員  
歸淮徐淮揚二道管轄。○十二年。改福建驛鹽  
道為鹽法道。專管鹽法。改陝西驛傳道為驛鹽  
道。管理通省鹽法。○又湖南設驛鹽道一人。○

乾隆元年

諭。兩浙鹽務向來廢弛。自李衛為浙江總督以來。留心  
整理。諸事妥協。大學士嵇曾筠現為浙江巡撫。著照  
從前李衛之例。改為浙江總督兼管兩浙鹽政。○又

兩淮裁通分司所屬之馬塘場歸石港場轄。餘中場歸餘西場轄。淮分司所屬之白駒場歸草堰場轄。茭濱場歸板浦場轄。板浦為淮北引鹽總匯。添設大使一人。淮分司所屬之劉莊伍佑新興廟灣四場。改隸泰分司轄。泰分司所屬之拼茶角斜二場。改隸通分司轄。以通泰二分司管淮南場竈。淮分司管淮北場竈。兼辦掣務。○又改四川潼川府通判駐射洪縣。添設射洪之黃驪渡青隄渡。蓬溪縣之蓬萊鎮。康家渡。三臺縣之葫蘆溪。石板灘。中江縣之盛家池。遂寧縣

之攔江河。鹽場大使共八人。並添設樂至縣管  
鹽務縣丞一人。改保甯府同知駐南部縣。添設  
南部。南充。西充。鹽場大使各一人。改嘉定府通  
判駐犍為縣馬踏井。添設犍為井研二場鹽大  
使各一人。改敘州府建武廳通判駐富順縣鄧  
井關。總理鹽務。改建武歸興文縣轄。以宜賓縣  
屬之橫江鎮巡檢駐其地。改新鎮歸屏山縣轄。  
以石角營巡檢兼管。改夔州府同知駐雲陽縣。  
添設雲陽大甯二場鹽大使各一人。改嘉定議  
裁之州判駐簡州石橋井。改忠州敦里八甲州

判駐滄井。改岳池縣黎梓衛巡檢駐教里八甲。其嘉定、重慶、瀘州各江口。遂甯上馬頭各設批驗所。即以經歷州判縣丞兼管。以彭水縣郁山鎮巡檢兼司郁州鹽務。○又議准廣西鹽道駐紮桂林。一切轉運向委梧州府同知代辦。改照廣東潮嘉汀賴分司之例。添設梧州府鹽運分司一人。以專責成。仍隸驛鹽道管轄。○二年。河東設鹽運司庫大使一人。改原設鹽運司知事駐鹽池內淡泉。○又廣西增設梧州鹽運分司衙門知事一人。○四年。浙江增設西路三江曹

越橫浦青龍嵩玉等六場鹽課大使各一人。並  
崇明縣鹽大使一人。○五年議准。浙江新設浦  
東龍頭玉泉三場鹽大使。各照字樣給予印記。  
西路分設一場名東江。曹娥分設一場名金山。  
崇明新設巡鹽一缺。名崇明巡鹽大使。均一體  
給予印記。○六年。兩淮裁鹽務巡道一人。○七  
年。廣西裁梧州鹽運分司運同。知事各一人。○  
又廣東裁高廉鹽運判一人。雲南裁驛鹽道經  
厯並雲龍州順益井大使各一人。○又四川裁  
犍為縣王村場。西充縣仙林場。三臺縣石板灘

井研縣鹽井灣鹽大使各一人。○又議准兩淮鹽務道一缺。既經裁汰。現在淮揚海一帶地方場竈俱係淮揚道所屬。其通州地方場竈亦與該道所屬毗連。將鹽務事宜俱責成淮揚道管理。○十年雲南設姚安府屬新開安豐井鹽大使一人。○十七年奏准山東運同運判自移紮省城後。鞭長不及。改運同仍駐蒲臺。名濱樂分司。運判仍駐膠州。名膠萊分司。○十九年改山東富國場鹽大使駐昌邑縣瓦城村。○二十年改四川射洪縣黃礪濠鹽大使為巡檢。駐洋陶。

溪。其鹽場事務。歸青隄渡大使兼管。改蓬溪縣  
蓬萊鎮鹽大使為縣丞。鹽場事務。歸康家渡大  
使兼管。裁遂甯縣掇江河鹽大使。於巴州江口  
鎮改設巡檢一人。鹽場事務。歸知縣管理。改遂  
甯縣管鹽縣丞。駐梓潼宮。改新都縣彌牟鎮巡  
檢。駐太平場。○二十二年議准。雲南歸遠同知  
所管板恩耕三井鹽場。相距寫遠。改歸鎮沅  
府知府就近管理。○二十三年議准。江西按察  
使經歷。兼管驛鹽道庫務。○二十四年議准。  
所查掣事宜。增設淮北監掣一員。於通省同知

通判內遴委專辦。淮南事同一例。嗣後缺出。均令揀員兼攝。不得作為額缺。○二十五年議准。淮南淮北。均為數百萬引鹽總匯之地。兼攝之員。不足以資彈壓。淮南監掣同知。仍舊作為額缺。至淮北既照淮南之例辦理。其監掣同知。亦作為額缺。○二十七年定。湖北布政司照磨。兼管驛鹽道庫大使事務。○又議准。廣東運司衙門。出納錢糧。以知事兼管庫務。○二十八年。移江南淮安分司。駐海州板浦。改稱海州分司。換給印信。○三十二年。四川裁南部縣西河口鹽



大使改設富村驛縣丞一人。裁中江縣盛家池鹽大使。改設胖子店巡檢一人。甘肅裁靈州惠安堡鹽大使。改設巴里坤同知所屬經歷一人。○三十八年議准。浙江仁和場鹽大使舊駐城外臨江鄉東北二十都地方。嗣經移紮省城。距所轄竈舍酒地二三十里至六七十里不等。該處近年產鹽更旺。催課緝私。稽查最要。仍回駐原地。○四十三年

諭。向來河東鹽政與山西巡撫。因各有專司。未免意存畛域。河東鹽政事務本簡。非兩淮長蘆可比。況直省

中如浙江福建兩廣俱係督撫兼理鹽政較為妥協。河東鹽政竟不如令山西巡撫兼管俾事權歸一。呼應較靈。於商民均屬有益。著為令。○又雲南裁復隆井大使。歸併黑鹽井大使管理。裁白石谷井大使。歸併白鹽井大使管理。○又改直隸天津府通判為薊永分司運判。○四十六年。改長蘆青州分司運同。為天津分司運同。○五十一年。四川裁順慶府屬東觀場鹽大使一人。歸南充縣兼管。○五十五年。廣東裁東莞場大使實缺。將博茂委缺改為實缺。○五十六年。四川裁三臺

縣葫蘆溪鹽大使。改設三臺縣鹽捕縣丞一人。  
駐葫蘆溪。○五十七年。河東裁鹽運使鹽運同。  
鹽經歷鹽知事鹽庫大使。解鹽東場大使。中場  
大使。西場大使各一人。○五十八年

諭。杭州織造。改為鹽政。兼管織造事。其鹽道本無分巡  
地方之責。著改為運司。○嘉慶六年。改雲南抱母井  
為香鹽井。○十一年。奏准。陝西分巡鳳邠道。甘  
肅分巡甯夏兵備道。俱兼管鹽法。○十二年。山  
西復設鹽務衙門。以分守河東兵備道兼管鹽  
法。裁甯武府鹽捕同知。改設河東監掣同知。一

人添設鹽經歷鹽庫大使河東磴口鹽運判磴口鹽大使東場大使西場大使中場大使吉蘭泰大使河口鎮批驗所大使各一人。十七年山西裁磴口鹽運判磴口鹽大使吉蘭泰大使河口鎮批驗所大使各一人。設黃甫川大使一人。又福建裁漳浦東場鹽大使改設福興場鹽大使一人。十九年改雲南香鹽井大使為抱香井大使。道光元年浙江裁鹽政一人歸巡撫兼理。十年兩淮裁鹽政一人歸兩江總督兼理。十二年裁長蘆滄州運判興國場大使。

山東膠萊運判登臨場信陽場大使各一人。○  
又裁雲南彌沙井鹽大使一人。○咸豐二年移雲  
南抱香井大使駐石膏井為石膏井大使。○十  
年長蘆裁鹽政一人歸直隸總督兼理。○同治  
十三年裁雲南琅鹽井提舉改為石膏井提舉  
舊設各省官。○陝西苑馬寺初設卿一人主簿  
一人各牧監監正七人錄事四人。○順治十三  
年裁苑馬寺錄事四人。○康熙二年裁苑馬寺  
卿一人主簿一人各牧監監正七人。○五年廣  
東裁市舶提舉司提舉七人吏目一人歸併鹽

課提舉司管理。雍正二年裁各省都司衙門經歷斷事各一人。都司儒學教授各一人。又陝西裁衛稅課司大使三人。三年裁各衛衛經歷各一人。四年湖廣裁宣慰司經歷二人。四川裁宣慰司招討司經歷各一人。乾隆十年裁金山衛經歷一人。十五年裁金山衛各省土官世職。四川石砫直隸廳土通判一人。土知事一人。牟托。水草坪。土巡檢各一人。竹木坎。土副巡檢一人。廣西果化州。歸德州。忠州。安平州。萬承州。龍英州。太平州。茗盈州。結安州。

信倫州都結州上下凍州思州江州憑祥州思陵州向武州都康州下雷州南丹州那地州田州土知州各一人羅陽縣羅白縣忻城縣上林縣土知縣各一人上隆司白山司興隆司定羅司舊城司下旺司安定司都陽司古零司遷隆崗土巡檢各一人雲南景東府蒙化府孟定府永甯府土知府各一人廣南府土同知一人麗江府鶴慶府土通判各一人開化府土經歷一人北勝州富州潯甸州浪蕓州鎮康州土知州各一人北勝州順州鎮南州姚州土州同各一

人。武定州。暮連鄉。土州同職銜一人。鎮南州。新興州。土州判各一人。景東府土知事一人。楚雄縣。平彝縣。雲南縣。新平縣。南淵縣。土縣丞各一人。雲南縣。定遠縣。土主簿各一人。浪穹縣。土典史一人。練象關。南平關。定西嶺。青索鼻。鳳羽鄉。上江。黃下江。黃箭杆場。蒲陀峽。鎮南關。納更山。回磴關。沙矣舊。三岔河。保甸。猛麻猛。猛觀音山。阿雄關。湯郎馬。土巡檢各一人。板橋驛。觀音山驛。在城驛。土驛丞各一人。貴州鎮遠府。獨山州。土同知各一人。鎮遠府。土通判一人。土推官一



人。安化縣印江縣甕水司餘慶縣土縣丞各一人。安化縣餘慶縣土主簿各一人。重安司土吏目一人。盤江安化縣土巡檢各一人。其慕化改流世守厥土者。分別授以知府同知通判知州州同州判知縣縣丞巡檢驛丞等職。○順治六年雲南元江軍民府後裁軍民二字改流裁土知府一人。設流官。○九年置四川水草坪土巡檢牟托土巡檢竹木坎土巡檢各一人。○十四年升廣西泗城州為軍民府後裁軍民二字改設土知府一人。○十六年雲南廣南府改流裁土知府一人。設

流官。○十七年四川遵義軍民府後裁軍改流民二字

裁土知府一人設流官。○康熙四年雲南景東

蒙化二府俱改流各裁土知府一人設流官。○

五年改四川烏撒軍民府為威甯府裁土知府

一人設流官歸貴州管轄其原設土同知以下

等官並隸貴州省。○六年四川裁保甯府通江

縣濠壩土副巡檢一人重慶府鄧都縣沙子關

土副巡檢一人。○二十七年廣西裁陀陵土知

縣一人歸永康州管理。○三十四年廣西裁永福

縣桐古市土副巡檢一人。○三十五年改雲南

阿迷州土州為流裁土知州一人。○又改雲南

曲靖府屬亦佐縣為平彝縣設土縣丞一人。○

三十七年四川東川軍民府後裁軍民二字改

流裁土知府土經歷各一人設流官。○雍正元

年湖廣土司相繼改流裁上溪州南渭州施溶

州芙蓉州大理州土知州各一人裁美坪土同

知龍潭土同知各一人裁總理廳土經歷一人

○又定雲南麗江軍民府後裁軍民二字改流設流官

裁原設土知府改設土通判一人。○三年改廣

西龍州為流裁土知州一人析龍州地為上龍

下龍二司。設土巡檢各一人。○又覆准土官支庶子弟中。有馴謹能辦事者。許本土官詳報督撫具題請

旨。酌量給予職銜。令其分管地方事務。其所授職銜。視本土官降二等。如本土官係知府。則所分者。給予通判銜。係通判。則所分者。給予縣丞銜。照土官承襲之例。一例頒給。

敕印號紙。其所分管地方。視本土官多不過三分之一。少則五分之一。此後再有子孫可分者。亦再許其詳報督撫具題請。

旨。照例分管地方。再降一等。給予職銜印信號紙。

四年。改雲南鎮沅府為流。裁土知府一人。改威

遠。霑益二州為流。裁土知州各一人。俱設流官。

○五年。四川鎮雄烏露二府改流。

後俱改隸雲南。各鎮雄後

改為

裁土知府各一人。廣西泗城府改流。裁土

知府一人。

○又雲南裁永昌軍民府。

後裁軍民二字。屬

永平縣土縣丞一人。○又貴州裁黃平州朗城

司土吏目一人。設流官。○又湖廣裁桑植宣慰

司土經歷一人。○又議准貴州安順府鎮甯州

屬康佐司土官承襲無人。以其地歸鎮甯州管

轄。又雲南裁姚安府土同知一人。設流官。

六年

諭湖廣土司甚多。各司其地。供職輸將。與流官無異。其  
不守度者。該督撫題叅議處。改土為流。以安地方。若  
能循分奉法。撫綏其民。即與州縣之循良相同。朕深  
嘉悅。何必改土為流。使失其世業。前據湖南巡撫王  
國棟奏稱。下崗長官司向鼎晟懇請改土歸流。甚為  
誠切。朕未准行。今又奏稱。土民有控告該土司之案。  
正在查審。朕思從前該土司改土為流之請。大抵由  
於土民之慫恿。及土司所請。未曾准行。而土民復又

列款控告。冀朕嚴治土司之罪。而盡改為流。其所控必非實情。著該督撫留心詳察。凡屬土民。必不敢控告土司。皆有漢姦唆使播弄。冀生事端。以便從中逞姦滋弊耳。若各處土司等。因他處已改為流。不得已而仿效呈請者。朕皆不准。若被漢姦唆使控告。俾土司獲罪而改土為流者。朕更不忍。該督撫等當以朕內外一體之懷。通行曉諭。俾土司等守土奉法。共受國恩。不必改土為流。始為嚮化。至於土司實在不法。惡蹟確著者。該督撫據實叅劾治罪。又改湖廣施南土司地歸恩施縣管轄。○七年。廣西鎮安府

設流官。改通判為知府。裁土知府一人。歸順州改土為流。裁土知州一人。設流官。隸鎮安府。東蘭州改土為流。裁土知州一人。設流官。隸慶遠府。又改四川天全土司為流。設流官。又改貴州中曹土司所轄高坡等處四寨。歸貴陽府管轄。又改湖廣永順保靖等土司為流。設流官。又廣西裁下龍土司巡檢一人。又改廣西恩恩府屬之向武。都康。上睦。下雷。四土州。均隸鎮安府。又改貴州洪番土司地。歸定番州管轄。十年。改廣西南甯府屬湖潤寨土巡檢。



隸鎮安府。十一年改廣西太平府屬思城州為流裁土知州一人。十三年改湖廣容美土司地置鶴峯州設流官改容美土司所屬五峯司地置長樂縣裁容美宣撫司土經歷天池口巡邊土經歷各一人。又改湖北恩施縣所屬之施南土司地置宣恩利川二縣改散毛土司地置來鳳縣改施州衛土巡司地置咸豐縣。乾隆元年改湖南上崗下崗茅岡大刺等處土司為流以上下二崗歸桑植縣管轄以大刺地方歸龍山縣管轄以茅岡地方歸永順縣管轄

○七年析廣西田州土州陽萬等一百九十八村為陽萬州分設陽萬州土州判一人。○十一年雲南猛緬土巡司歸流改其地為緬甯設流官。○十二年議准廣西湖潤寨土司承襲無人裁土巡檢一人以其地隸歸順州管轄。○二十六年改四川石砫宣慰使為土通判。○二十九年改雲南永昌府屬之猛猛土巡檢隸順甯府。○三十一年議准廣西鎮安府小鎮安鎮今更名邊縣土司承襲無人改設流官裁土巡檢一人。○光緒二年改廣西土田州所屬燕崗地方置恩隆

縣裁土知州一人。又改廣西奉議州為流設奉議州知州裁土州判一人。五年改廣西陽萬州為流裁土州判設恩陽理苗州判駐紫祿豐墟管理陽萬二里及下田里之四都地方。十一年改甘肅岷州林口堡土司所轄四十餘戶歸岷州管轄。

欽定大清會典事例卷三十三

吏部

滿洲銓選

旗員按缺補用  
科甲除授各官開缺  
旗員改公額

旗員按缺補用。○順治初年定。凡官員隸滿洲旗者。以滿洲額缺補用。隸蒙古旗者。以蒙古額缺補用。隸漢軍旗者。以漢軍額缺補用。不得互相調補。

旗員改公額。○康熙十年題准。各部郎中堂主事。定為公額八旗通行升用。○又題准。蒙古員外郎以下官員。亦改為公額八旗通行升選。○

雍正六年奏准科道郎中員外郎堂司主事及小京官等員缺均定為公額八旗通行升選至鑒儀衛主事一員為上三旗公額仍照定例升選○乾隆十四年奏准內閣中書清字本房七員漢字本房七員作為公額八旗輪用

科甲除授○順治九年題准一甲第一名進士授翰林院修撰第二三名授翰林院編修二甲三甲進士選授庶吉士同一甲進士送翰林院讀書其餘由他赤哈哈番筆帖式中式者以員外郎主事用由舉人中式者以他赤哈哈番

用○十八年覆准進士以部院衙門六品筆帖  
式用○康熙十一年題准庶吉士散館以司主  
事用○十二年議准進士以通政使司知事大  
理寺評事太常寺博士通政使司經歷太常寺  
典簿各部司庫用○十四年題准舉人以光祿  
寺典簿署丞國子監監丞博士典簿鴻臚寺典  
簿依次補用○雍正元年議准滿洲進士除庶  
吉士外照例以正七品有職掌之員缺挨次補  
用庶吉士散館平常者照散進士補用○乾隆

四年

諭今年繙譯會試取中二十二人。雖從前有照例殿試之議。但此科人數甚少。不必舉行殿試。皆著賜進士出身。吏部引見。候朕酌量錄用。其優者以六部主事即用。次者在主事上學習行走。該堂官照例題補。又次者照滿洲進士例選用。內有現任者。即在任候升。不必出缺。○又奏准內務府旗鼓佐領下間散文舉人。與八旗漢軍間散文舉人。一例選用知縣。其內府旗鼓佐領下文舉人出身之內務府筆帖式等。仍不准其與外旗一例較俸升用主事等缺。其內府間散繙譯舉人。並繙譯舉人出身內

務府筆帖式等內務府均有應升應選之缺。不准其與外旗人員一例升選。○六年

諭滿漢進士原屬一體。嗣後滿洲進士亦著照依甲第名次選用。知縣俾其漸悉民瘼。學習外任之事。○又奏准蒙古進士一例照依甲第名次選用。知縣其繙譯進士係分閤中式。應附於本科之後。挨名選用。○又議定。嗣後翰林院典簿詹事府主簿。光祿寺署丞。國子監監丞。博士。典簿等員缺。不論雙單月。除滿洲蒙古進士。繙譯進士。不行銓補外。悉歸滿洲蒙古舉人。挨科分名次擬定。



正陪補用。其有由舉人筆帖式中式進士。情願具呈留本衙門行走者。仍准其在本衙門行走。遇應選知縣之時。仍照甲第名次選用知縣。未選知縣之前。若俸次已深。應升漢字堂主事者。亦准升補。至如單月有缺。遇科甲出身之降調人員。其品級應用小京官者。亦准其一例補用。○七年奏准。滿洲蒙古文舉人出身之筆帖式。與間散文舉人。一例按科分名次。以知縣銓補。○又奏准。滿洲蒙古進士。繙譯進士。及文舉人奉

旨外用者。進士與漢進士照依甲第名次選用。舉人歸於雙月知縣兩班之後。照依科分名次選用。知縣不准外用者。以國子監監丞等小京官十

三缺用。

國子監監丞一缺。博士一缺。典簿一缺。翰林院典簿一缺。詹事府主簿一缺。光祿寺署

丞八缺。

○十六年奏准。現任筆帖式中式繙譯

進士奉

旨。以知縣歸班選用者。令其在任候升。不行開缺。嗣後如各項候補筆帖式中式進士奉

旨歸班銓選者。遇該員應補筆帖式時。亦得一例選用。得缺後仍照現任之例。在任候升。○十九年

奏准近年以來八旗應試之人多事鏤刻字句希圖中式。於實在繙譯文義轉覺相去逾遠。嗣後除繙譯生員應仍照舊考試。留為伊等考取中書筆帖式之地。其鄉會二試永行停止。○四  
十一年

諭繙譯鄉會試停止已二十餘年。近日善繙譯者益少。著加恩以乾隆戊戌年八月考試繙譯舉人。己亥年三月考試繙譯進士。俾得從容究心。益臻精熟。○又議准繙譯進士。嗣後與文進士一體截取選用。知縣。○嘉慶五年議准滿洲蒙古漢軍文舉人。

均以會試三次後赴部揀選投供候選仍歸雙  
月按班選用遇各省請挑知縣准其與挑截取  
之例停止○又議准滿洲蒙古文進士繙譯進  
士向例歸於文舉人內截取記名者以知縣用  
未經記名者以小京官用今既停其截取於會  
試三科後由該旗驗看咨部投供仍以知縣小  
京官二項按名次先後銓選○十一年奏准滿  
洲繙譯進士奉

旨以部屬用者學習三年期滿向照漢進士之例奏  
留補用其期滿歸班以知縣用者亦與漢進士

一體選用。至奏明咨部改用人員。不能悉照漢進士之例。專以監丞助教二項補用。查國子監滿洲監丞惟一缺。滿洲蒙古繙譯進士。均可補用。其滿洲助教十六缺。蒙古助教八缺。均非科甲額缺。至漢軍人員。並無監丞助教二項。惟內閣有漢軍中書八缺。太常寺有漢軍博士一缺。現在繙譯會試。已定三年一次。將來滿洲蒙古漢軍繙譯進士接續有人。自應分別定擬。除奉旨以部屬用者。照例辦理。毋庸另議外。其歸班以知縣用者。與漢進士一體截取。將來此項人員。或

先或後礙難懸定。查六部理藩院漢軍堂主事。於應升人員揀選補放五缺之後。將繙譯舉人出身之漢軍中書筆帖式升用一人。繙譯進士應照此辦理。歸班知縣俟文進士不論雙單月銓選五人之後。將繙譯進士選用一人。不積進士之缺。儘本科繙譯進士選完。仍俟文進士選完。後再行截取次科歸班之人。按本科班次計缺銓選。以昭平允。其學習期滿奏明咨部改用京職者。如係滿洲蒙古人員。均照改補科甲小京官之例。以翰林院典簿詹事府主簿光祿寺

署丞國子監監丞博士典簿六項。先儘補用。如  
係漢軍人員。以內閣漢軍中書太常寺博士。二  
項補用。○十三年定。滿洲蒙古文進士。及中式  
文舉人之筆帖式。並閒散文舉人。俱與漢進士  
舉人一體選用。知縣文進士。照依科第名次銓  
選。滿洲蒙古漢軍繙譯進士。俟文進士不論雙  
單月銓選五人之後。將繙譯進士選用一人。不  
積進士之缺。僅本科繙譯進士選完。仍俟文進  
士選完後。再行截取次科歸班之人。按本科班  
次計缺銓選。舉人於雙月選用漢舉人兩班之

後選用一人。均毋庸截取考試。各省請揀知縣時。一體入挑。如自揣不宜民牧之任。情願改補小京官者。准其臨選時呈明改補。其分部學習期滿。奏明咨部改用京職之滿洲蒙古繙譯進士。俱不論雙單月。遇有翰林院典簿詹事府主簿光祿寺署丞國子監監丞典簿缺出。統按改補咨部各日期。先儘補用。如改補無人。將滿洲蒙古進士舉人繙譯進士各按科第名次輪流閒用。文進士繙譯進士歸於漢進士按科分截取開選。舉人選用京官。仍擬定正陪。其漢軍繙



譯進士咨部以小京官改用者。以內閣漢軍中書太常寺漢軍博士二項。先儘補用。至銓選知縣到任後。如不宜外任。該督撫查明該員為人勤慎。才具可用。將應否改補小京官之處。具本詳細聲明。送部引。

見如奉

旨。准其改補。與應選文舉人分缺開用。單月遇科甲出身之降調人員。其品級應用小京官者。亦准一體補用。至內務府漢軍閒散文舉人。與外旗閒散文舉人。一體選用。知縣於會試三科後。准

其赴部投供候選。其包衣漢軍文舉人出身之  
內務府筆帖式。仍不准與外旗一體較俸升用。  
主事等缺。包衣繙譯舉人出身之內務府筆帖  
式。內務府既有應升應選之缺。亦不准與外旗  
人員一體升選。內務府滿洲包衣文進士文舉人。仍與外旗人員一體選用科  
甲○又定宗室文進士除奉

旨以翰林改用。其以部屬錄用者。歸於宗人府及各  
部額外主事上學習行走。其歸班者。不選外任。  
知縣應以科甲小京官用。科甲小京官十三缺。宗室人員應否與滿  
洲人員分班補用。臨時酌量。人數多寡具奏辦理。宗室繙譯進士如奉

旨以主事即用。及額外主事學習者。亦應以宗人府各部院主事分別辦理。其歸入進士班次照例用者。例以小京官用。惟科甲小京官缺本無多。應以內閣公缺中書補用。毋庸考試。遇有滿漢本堂缺出。俟按旗考補一人後。將宗室繙譯進士。不論所輪旗分。按取中名次補用一人。再各部院宗室主事。僅止四缺。此後宗室文進士。繙譯進士。

簡用部屬。如人數衆多。臨時再行酌量奏請改撥。至宗室文舉人。繙譯舉人。應專以宗人府筆帖式。

補用向例宗人府筆帖式由效力筆帖式補授。若文舉人繙譯舉人則毋庸先補效力。遇有實缺出先用效力筆帖式二人。次用文舉人一人。繙譯舉人一人。如無人即行過班。又定八旗選拔貢生。

朝考錄取一二等引

見以部員用者。令其赴部掣籤分派各部。在七品小京官上學習行走。給予正俸。以到部行走之日起扣滿三年。該堂官確加考覈。如果行走勤慎。留心部務。准其奏明留部。授為七品小京官。食

俸辦事。儻於部務不能諳習。即奏明咨部。以七品筆帖式用。至給銜留部之員。歷俸又滿三年。該堂官優加甄別。果能始終奮勉。准其作為額外主事。再滿三年。方准作為報滿主事。與各項報滿人員一體比較先後補缺升用。其或行走平常。亦據實奏明。如係滿洲人員。以各衙門正從七品小京官。蒙古人員。以從七品小京官內閣中書酌量補用。○又議定滿洲蒙古文進士。由現任小京官中式奉

旨。以部屬用者。均令分部行走。以到部日為始。遇有

應得題選主事缺出。與各項奏留人員比較日期先後。挨次補用。至現任翰詹官員大考。奉

旨以部屬用者。照

特用人員之例。歸於不論雙單月五缺之後。以六部司員選用。仍准其照漢員之例。先行分部行走。○十六年議定。滿洲蒙古漢軍中式繙譯進士。由禮部造冊咨部帶領引

見請

旨分別錄用。如奉

旨以主事即用者。遇歸部銓選之缺。不論雙單月先

儘奉

旨即用進士一人。次用各項應選一人。如奉

旨以主事用者。照

特用人員之例。歸於不論雙單月。無論保題升選。一併計算五缺之後選用。均不准自行呈請改補。科甲小京官。如奉

旨分部以額外主事用者。照文進士之例。掣籤分派六部。理藩院太僕寺學習行走。三年期滿。甄別奏留。與各項候補人員。以題選之缺。較日期先後補用。如才具平常。奏明咨部。照例以各項科

甲小京官選用內務府人員。有中式繙譯進士者。歸於八旗繙譯進士班內。以外部之缺補用。至蒙古繙譯進士。中式滿洲文字者。不用理藩院額缺。中式蒙古文字者。以六部理藩院太僕寺統行補用。漢軍繙譯進士。奉

旨以主事即用。並以主事用者。悉照滿洲班次。以戶部兵部工部漢缺主事選用。如奉

旨分部者。亦以戶兵工三部掣籤學習行走。○道光四年定。滿洲蒙古文舉人。以知縣用者。於雙月五甲五舉四捐三升輪用兩班之後。選用一人。



○又定滿蒙漢軍舉人選用知縣均於會試三次揀選後方准赴部投供候選○五年奏准滿蒙文舉人大挑一等者以知縣分發各省試用二等者以科甲小京官教授訓導助教選用與文進士繙譯進士均各按科分名次指擬一人帶領引

見補授毋庸擬陪其已挑二等人員遇各省請揀知縣時不准入挑如遇本科銓選知縣到班時該員尚未升轉仍准按班選用再大挑一等分發人員如一年期滿甄別以教職用者仍歸二等

舉人班內以科甲小京官等缺選用。○又定滿蒙文舉人於揀選時改補小京官及改用京職之滿蒙繙譯進士遇翰林院典簿等缺均先儘補用如改補無人先將大挑二等之滿蒙文舉人按科分名次先後選用一人再將滿蒙進士舉人繙譯進士輪流間用。○又定滿蒙舉人由大挑一等甄別改用教職歸二等班內選人員不准復以知縣選用。○又定內務府滿蒙大挑二等舉人亦均與外旗人員一體選用科甲小京官。○十六年

諭嗣後帶領繙譯進士引見著吏部於排單綠頭牌內將覆試等第名次註明。○十九年奏定滿洲蒙古漢軍繙譯進士籤掣各衙門行走人員期滿奏留後較期滿日期先後補用。○光緒十年定滿蒙文舉人選用京官者月選到班將俸深合例者指擬一員帶領引

見恭候

欽定毋庸擬陪。○又定未經大挑之滿洲文舉人繙譯舉人准其報捐科甲小京官於滿蒙進士舉人繙譯進士輪流間用一人後選用如由滿洲

文舉人捐納者。俟閒散文舉人用過一人後。選用一人。由滿洲繙譯舉人捐納者。俟繙譯進士用過一人後。選用一人。如繙譯進士無人。即將繙譯舉人捐納之員選用。兩項捐納人員。仍先用雙單。俟雙單無人。再用捐納單月之員。○又定。滿蒙文進士。歸於漢進士班內截取。繙譯進士。另行具題截取。均各按科分截取後。再行銓補。○又定。宗室繙譯進士。如奉

旨以庶吉士用。

照滿蒙繙譯庶吉士之例辦理。

及以主事即用。並額

外主事學習者。均以宗人府各部院主事分別

辦理。○又定宗室歸班之文進士歸於漢進士班內截取繙譯進士另行具題截取均各按科分截取後再行銓補。○又定繙譯進士由禮部咨送吏部帶領引

見時滿蒙人員如奉

旨以庶吉士用俟留館授職時仍按進士覆試原等第一二等授職編修三等授職檢討作為內班歸入本科留館庶吉士之次論俸升用俸次相同按等第名次為先後若改用部屬遇翰詹輪用外班時列於考取記名翰詹繙譯進士之前

先儘升用。滿蒙漢軍人員。如奉

旨以主事即用者。遇歸班銓選之缺。仍先儘奉

旨即用一人。次用各項應選一人。

各官開缺。○康熙三十九年題准。凡滿洲大小官員。由開列推升者。以奉

旨科鈔到部。日開缺。承襲官爵者。由該旗咨文到日。開缺。保題調補回旗等項。由各該處咨文到日。開缺。休致告病。解任質審。降調革職。及京察甄別處分官員。俟考功司移付文選司。日開缺。病故者。由該衙門該旗咨部。日開缺。其科鈔咨文

移付等項。每月三十日以前到部者。作為本月之缺。三十日以後到部者。作為下月之缺。其事開開缺。各衙門均於五日內行文到部。係考功等司者。即行回堂移付文選司開缺。至俟具題奉

旨方准開缺者。均於每月二十五日以前具題。如有遲延。皆照例議處。○乾隆二十九年奏准現在職官奉

特旨賞給侍郎副都統等職銜。除仍在原職上行走者。毋庸開缺外。凡奉

旨賞給職銜。差往各處駐紮經年辦事者。吏部即將該員原缺奏明。另行補放。其非駐紮辦事。若原缺果係緊要。聽該衙門自行奏明開缺另補。○四十二年奏准理藩院滿洲蒙古員外郎以下。遇有出差推升得缺者。無論題選之缺一經掣籤。即行開缺。移咨該院分別查辦。擬升之員。仍照本身原銜食俸。俟差滿回京補行引

見。○四十七年奏准嗣後理事同知通判推升員外郎。照外任推升京職之例。於掣籤具題後。即將同知通判開缺。另行揀補。○五十年奏准嗣後



如遇科道部屬奉

旨署理侍郎副都統者即將本任之缺另行題補○

五十一年

諭凡差往新疆大臣在京職任既不開缺嗣後駐藏大臣亦不必開缺○嘉慶九年

諭此後各衙門缺出引見以及外省送部引見人員著吏部酌定限期仍隨時知照稽察各衙門如有逾限即行叅處示儆欽此遵

旨議定嗣後除滿漢月選筆帖式各省保薦俸滿教職及現任人員升補有關開缺者各按截缺日期

先行帶領引

見外。至在京各衙門應行題補之缺。出缺後。向由各該堂官酌擬定稿。應以出缺後限二十日內帶領。如遇有不合例事故。須輟轉行查者。酌寬十日。限三十日內帶領。再內外雜項人員。人文到部。於驗到後。統限二十日內帶領。其有歷任事故。須行查各部往返需時者。亦酌寬十日。定以三十日內帶領。至應行帶領人員。內有驗到後呈報事故。或遇直日推班。並封印日期。不能帶領者。自應稍緩。仍將詳細緣由。移咨稽察各衙

門查覈。○又奏准在省告病病故。丁憂休致。終養。叅革等項出缺者。亦以該省題奏出咨之日。作為出缺日期。如奉

特旨簡放降調革職及出差人員。遇有事故出缺者。以該員接咨之日。作為出缺日期。如開復日期在出缺之前者。議准開復日期在出缺之後者。議駁。嗣後各省升調等官。均於題奏及咨文內聲明何日出缺。何日開復。以備稽考。○十二年奏准現任官員捐升。並捐免實授保舉考試。以及捐免坐補等項。如在上月二十日以後上庫

者。戶部於下月二十日截卯之前。知照過部。以備截缺開選。如遇折本。則奉

旨之期。難以豫定。與例不追本。可以計日候鈔者。不同。毋庸歸入本月。○十三年定。科鈔咨文移付等項。每月三十日以前到部者。作為本月之缺。三十日以後到部者。作為下月之缺。其事關開缺。各衙門司員出缺。在每月二十八九等日者。該衙門即咨報開缺。如過三十日截缺之期。雖未過五日之限。俱照例議處。如適在三十日病故。可以即時報部者。應即行報部開缺。如本日

不及報部。令該佐領於圖片內聲明緣由。以便查辦。其員缺歸下月。若文到吏部。事屬考功等司。不即回堂移付文選司開缺。亦照例議處。俟具題奉

旨。方准開缺者。每月二十一日以內到部。俱於本月二十六日以前具題。已經具題。或至截缺之後。料鈔始行到部者。仍歸原選月分。將應選之人擬用。如遇例不進本日期。吏部即專摺奏

聞請

旨開缺。如有遲延。照例議處。○道光元年奏准滿洲

病痊即照例開缺。勒歸原月分銓選。如底缺係  
揀補題補之缺。至截缺時尚未銷假。即照例開  
缺。毋庸具題。再月選籤升人員。有因未報事故  
將引

見扣除迨逾引

見後始行咨報者。附入下月月選官內帶領引

見所遺員缺。仍勒歸原月分銓選。○又定在京司員

病故。由本衙門本旗咨報。以病故之日開缺。

盛京等處官員。因差來京病故者。亦照此辦理。○

又定。

陵寢等處司員。在本任病故。及在京各官差派外出。在差所病故。均以病故日起。限五日詳報。五日出咨。按該處至京程限減半計算。作為咨文到部日期開缺。○又定。例應在旗候選各官。有因告假並差派外出。及隨任在外。銓選得缺。行文調取。去後。始據咨報。呈請開缺者。以該處出咨之日起。按至京程限減半計算。作為到部日期開缺。銓選。仍作為從前之員遺缺。如咨文內聲敘具呈日期者。即照在任病故之例辦理。○又定。現任郎中以下等官捐升。應行離署人員。於上

兌後呈明本衙門存查。俟戶部奏准奉

旨後。本員即行呈請離署。所遺之缺。奏案以奏准之  
日。咨案以戶部咨到之日。作為開缺日期。各衙  
門接到知照。如係應留之缺。於每月三十日截  
缺以前扣留。如遇截缺之日。始行接到知照。即  
於當日扣留。如逾截缺之期。始行扣留者。除將  
員缺照例歸部銓選。仍不准扣留請補外。其由  
何處知照遲延。查明議處。又定各衙門現任  
人員。保舉議敘。以升階作為候補。無論是否應  
升之階。均以奉



旨之日開缺如僅請以某官升補並無作為候補字樣查係應升之階俟補用升用後再行開除底缺如非應升之階即以保案奉

旨之日開缺○又定年滿

盛京

陵寢現任司員因候調京缺無期情願回京當差者准其取具佐領圖結呈明先行掣分應調之衙門行走所遺之缺以結報之日作為開缺日期另行銓選如尚未取結具呈該衙門先已咨報到部即以咨到之日開缺俟該員到旗取結呈明

再行掣分衙門行走。其年滿情願回旗候選者。  
亦以咨到之日。開缺另選。